



Aqqalu C. Jerimiassen

UPA 2022/150

Atassut

23. Maj 2022

Apeqquteqaat aallaavigalugu oqallisissiatut siunnersuutigineqarpoq, qanoq ililluta Kalaallit Nunaata politikkikkut annerpaamik siammasinnerpaamillu nunanut allanut politikkikkut tungasunut matumanilu aamma qallunaat naalagaaffiannut isumaqatiginninniarnernut tunngatillugu piginnaatitaaffeqarnissaa.

(Inatsisartunut ilaasortaq Anna Wangenheim, Demokraatit)

Nunarsuarmioqataanitsinni inuiaqatigiit soqutigisaannik ineriartussatilluta tamatta oqaloqataasarnissarput pisariaqarpoq.

Maannalu naalagaaffeqatigiinnerup iluani nunanu allanut oqartussaaffiit suli killeqartillugit, naalagaaffiup oqaloqatigilluartarnissaa avaqqukkuminaappoq. Susassaqarfittalu oqaloqatigiilluarnikkut Naalagaaffeqatigiit iluani annertusarnissai soqutiginaruujuuannarpoq.

Pisinnaatitaafferujussuarmik tunineqarnikuuvugut ukiuni kingullerni namminersornerup eqqunneqareernerani, nunanillu sanilitsinni issittumi suleqaternitta nukittuumik inissisimanissaa tamatta maaniittugut soqutigisarigipput qularnanngilaq.

Oqallisissiaqartup oqarneratuut, nunatut mikisutut inuttussuserput eqqarsaatingalugu naatsorsuunneqarsinnaavugut, taamaattumillu piviusorsioortumik periuseqartariaqarnerput assortoruminaalluni. Oqaatsinimmi tusaruminartunik piinnaralarutta nunatta avataanit soqutigineqarneq qaffakkunngimmat, sulianilli pimoorusaqarluta ataatsimoorussaqaarnitsigut naalagaaffeqatigut peqatingalugit angusassaq annerungaarsinnaammat.

Ukiuni kingullerni issittoq assut soqutigineqarpoq, tamannalu peqqutingalugu tamassuma nunatsinnut qanoq iluaquteqarsinnaanera tamatta inatsisartuusugut naalakkersuisullumi soqutigisarisaqarparput.

Oqaloqatigiittariaaseq ammasoq pinerussappat, qulequtsiisup oqarneratuut nalilersungassaraarput, suleriuseruna qanoq ittoq ugartorniaripput? Nutaanik ataatsimiitsitalianik pilersitsissuugut?

Atassummiit isumaqarpugut, maanna periutsit ataatsimiitsitaliatigut nutarternissai aqqutiginnikkaluarlugit partiit siuttui naalakkersuisunut attaveqarnerat nukittorsaqqinneqarsinnaasoq.

Oqaloqatigiittartoqatigiinnillu annertusaanissaq aqutissaasinnaasoq soqutiginaatilik, Covid-19-immi pileruttornerani qulequtsiisutut, tamanna iluatsilluarsimasutut misilittagaqarfigilluarneqalereersutut isikkoqarmat.

Ammasumik aqutisoqarnissaa tamatta soqutigisaraarput inatsisartuniittuusugut, peqataatinneqartuarnissarpullu ujartortuarterlutigu, ataatsimiitsitaliatigullu nutarterinerit aqqusaaqqaanngikkaluarlugit uagut partiit siuttui oqaloqatigiilluarnitsigut tamanna angusinnaagipput qularnanngilaq.

Ataatsimiitsitaliarmi maanna piusoq amerlanerpaanit partiinit peqataaffigineqareemat, pisariaqarluinnarfianilu partiit ilaasortaataqanngitsut alaatsinaattusnaanik aggersaasarsinnaaneq siornatigut misilittagaqarfigineqarluareerpoq, soorlu Inatsisit atuutsinneqarneranut ataatsimiitsitaliami partiit ilaasortaataqanngitsut ilaatinneqartut Naalackersuisut siulittaasuata aggersaanerani.

Oqallisissiaqartumut Atassummiit qujavugut, neriullutalu uani oqallisissiami oqariartuutigineqartut naalackersuisunit ilassilluarneqarumaartuttaaq.